



БОЛОВСРОЛ,
ШИНЖЛЭХ УХААНЫ ЯАМ



БОЛОВСРОЛ, ШИНЖЛЭХ УХААНЫ ЯАМ
БОЛОВСРОЛЫН ҮНЭЛГЭЭНИЙ ТӨВ

ГҮЙЦЭТГЭЛИЙН ҮНЭЛГЭЭ-2023 СУУРЬ БОЛОВСРОЛ



ЭРҮҮЛ МЭНД

ХУВИЛБАР А

Аймаг / дүүрэг:

Сум / сургууль:

Анги / бүлэг:

Сурагчийн овог:

Сурагчийн нэр:

Сурагчийн код:



САНАМЖ

- Даалгаврыг 40 минутад гүйцэтгээрэй.
- Даалгавар тус бүрээс зөвхөн нэг хариултын хувилбарыг сонгож, хариултын хуудсанд зааврын дагуу харандаагаар будаарай.

1. Сагсан бөмбөгийн пүүзний онцлогийг сонгоно уу.
 - A. Шагай гэмтэхээс хамгаалсан түрийтэй.
 - B. Халтирахаас хамгаалсан резинэн ултай.
 - C. Шагай гэмтэхээс хамгаалсан түрийгүй.
 - D. Халтирахаас хамгаалсан хатуу ултай.
2. Өвлийн улиралд өмсөх хувцасны хамгийн чухал шаардлагыг сонгоно уу.
 - A. Хөнгөн, нимгэн, өнгө үзэмж сайтай байх.
 - B. Дулаан хадгалах чанар сайтай байх.
 - C. Нэмэлт тоног хэрэгсэлтэй байх.
 - D. Хүүхдийн анхаарал татахуйц тод өнгөтэй байх.

Нэг удаад хэрэглэж байгаа хүнсний бүтээгдэхүүний хэмжээг хооллох нэгж гэх бөгөөд 80 ккал илчлэгтэй тэнцэнэ.

7-р ангийн сурагч Ж ихэнхдээ дараах байдлаар хооллодог бөгөөд авч буй илчлэгийн хэмжээ 2400 ккал болдог.

Өглөө: 2 ш еэвэн, 2 зүсэм цөцгийтэй талх, 1 аяга цай

Бага үд: 250 мл газтай ундаа, 1 ш хотдог

Өдөр: 3 ш мантуун бууз, 1 аяга жүүс

Орой: 1 таваг хоёрдугаар хоол, 500 мл газтай ундаа

Дээрх өгөгдлийг ашиглан 3-6 дугаар асуултад хариулна уу.

3. Сурагч Ж-ийн өдөрт хоол хүнсээр авч буй илчлэгийн хэмжээг хоолны нэгжээр зөв илэрхийлсэн хувилбарыг сонгоно уу.
 - A. 25 нэгж
 - B. 30 нэгж
 - C. 35 нэгж
 - D. 40 нэгж
4. Сурагч Ж-ийн хоолонд ямар бүлгийн хүнс зонхилж байна вэ?
 - A. хүнсний ногоо
 - B. жимс, жимсгэнэ
 - C. мах, махан бүтээгдэхүүн
 - D. гурил, гурилан бүтээгдэхүүн
5. Сурагч Ж-ийн өдрийн хоолны дэглэмийг сайжруулахын тулд түүнд юу гэж зөвлөх вэ?
 - A. Өдөрт идэх хоолны хэмжээгээ нэмэх.
 - B. Хийжүүлсэн ундаа, жүүснээс татгалзах.
 - C. Сүү, цагаан идээнээс татгалзах.
 - D. Давсны хэрэглээгээ нэмэх.
6. Хоол зүйч сурагч Ж-г А амин дэмийн дутагдалтай байгаа тул А амин дэмээр баялаг хоол хүнс хэрэглэхийг зөвлөв. Ж ямар хүнсийг сонговол оновчтой байх вэ?
 - A. тахианы мах
 - B. өндөг
 - C. вандуй
 - D. шар лууван
7. 6 настай сурагч “Манайхан бүгд утсаа үзээд гэрийн даалгавар хийхэд надад тусалдаггүй, анхаарал тавьдаггүй” гэж хэлжээ. Энэ нь нь түрэмгий харилцааны аль хүчирхийллийн төрөлд хамаарахыг сонгоно уу.
 - A. сэтгэл санааны дарамт, хүчирхийлэл
 - B. үл хайхрах хүчирхийлэл
 - C. бие махбодын хүчирхийлэл
 - D. бэлгийн хүчирхийлэл

8. Зурагт ямар анхаарал халамж үзүүлж байна вэ?



- A. Найзууд зам хөндлөн гарч байна.
- B. Хүүхдүүдийг зам хөндлөн гарахад тусалж байна.
- C. Машиныуд зам дээр зогсож байна.
- D. Өндөр, намаараа цувраад зам хөндлөн гарч байна.

9. Тамхи татдаг хүмүүсийн амьсгалын замын дотор хананы салс ихээр ялгардаг. Энэ нь ямар бодисын нөлөө вэ?

- A. нүүрстөрөгчийн дутуу исэл
- B. никотин
- C. тамхины бохь
- D. нүүрстөрөгчийн давхар исэл

10. Тамхины гоо сайханд үзүүлэх богино болон урт хугацааны үйлчлэлийг зөв харгалзуулсан хэсгийг сонгоно уу.

| | |
|--------------------------|--|
| Богино хугацааны үйлчлэл | A. Шүд шарлана. B. Шүдний өвчлөл нэмэгдэнэ. |
| Урт хугацааны үйлчлэл | B. Үсний өнгө цайна. Г. Батга үүснэ. |

- A. 1-А,В 2-Б,Г B. 1-А,Г 2-Б,В C. 1-Б,Г 2-А,В D. 1-В, Г 2-А,Б

11. Архи, тамхины тухай ойлголтуудаас бурууг нь сонгоно уу.

- A. Тамхи татахад амнаас эвгүй үнэр гардаг.
- B. Архи, тамхины зохист хэрэглээ гэж байхгүй.
- C. Архи элгийг ихээр хордуулж гэмтээнэ.
- D. Тамхийг 1 удаа татахад ямар ч хор нөлөөгүй.

12. Сурагч Э ангийн охинтойгоо үерхэж эхэлснээс хойш хичээлээ таслахгүй, илүү шамдан суралцах болж сурлагын дүнд ч ахиц гарав. Энэ үерхлийн үр дүнг оновчтой тайлбарласан хэсгийг сонгоно уу.

- A. Найз охин нь Э-д сайнаар нөлөөлж эерэг үр дүн гарсан.
- B. Сурагч Э-ийн сурлагын ахиц, амжилт үерхэлтэй холбоогүй.
- C. Найз охинтой байх нь сурлагын амжилтад сөргөөр нөлөөлнө.
- D. Шилжилтийн насанд гарах өөрчлөлтийн нэг нь сурлагын амжилт гаргах юм.

13. Дараах өгөгдлийг уншаад үнэн, худал аль нь болохыг зөв илэрхийлсэн мөрийг сонгоно уу. /үнэн-Ү үсгээр, худал-Х үсгээр тэмдэглэв/

| | Хүчирхийлэгч нь дандаа танихгүй хүмүүс байдаг. | Аль ч хүчирхийлэл гэмт хэрэг мөн. | Ямар ч тохиолдолд хүчирхийлэгчийн буруу. | Хүчирхийлэлд бусдын эрх ашгийг харгалзан үздэг. |
|---|--|-----------------------------------|--|---|
| A | Ү | Х | Ү | Ү |
| B | Х | Ү | Ү | Х |
| C | Ү | Х | Х | Ү |
| D | Х | Х | Х | Ү |

14. Явган хүний гарцын тэмдэглэгээ аль нь вэ?

А.



В.




С.



Д.



15. Зурагт өгөгдсөн туршилтын багаж хэрэгсэлтэй ажиллахдаа аюулгүйн ажиллагааны ямар дүрэм мөрдөх вэ?



- А. Хувцас, арьсан дээрээ дусаахаас сэргийлэх.
- В. Хагалж, гар хөл, арьсаа зүсэхээс сэргийлэх.
- С. Арьсаа зүсэж, гэмтээхээс сэргийлэх.
- Д. Түлэгдэхээс сэргийлэх.

Бусад хүмүүсийн тухай өөрийнхөө бодлыг эргэцүүлэн хариултын хуудсанд зааврын дагуу бөглөнө үү.

| Доорх зүйлс чамтай хэр тохирч байна вэ? | Би огт тэгдэггүй. | Надтай бага зэрэг адилхан. | Надтай нилээд адилхан. | Би яг тэгдэг. |
|--|-------------------|----------------------------|------------------------|---------------|
| 16. Надад байгаа зүйл хэн нэгэнд байхгүй бол би өрөвддөг. | (A) | (B) | (C) | (D) |
| 17. Хүмүүс яагаад янз бүрийн үйлдэл гаргадаг вэ гэдгийг би сайн ойлгодог. | (A) | (B) | (C) | (D) |
| 18. Хүмүүст хэцүү байгааг хараад би өрөвддөг. | (A) | (B) | (C) | (D) |
| 19. Би бусдад юм хэлэхээсээ өмнө тэрэнд ямар санагдаж байгаа бол гэж боддог. | (A) | (B) | (C) | (D) |
| 20. Миний зөв гэдгийг мэдэж байгаа үед бусдын юу гэх надад хамаагүй. | (A) | (B) | (C) | (D) |
| 21. Би бусдад муухай зүйл хэлэхээсээ өмнө түүнд ямар санагдах бол гэж байнга боддог. | (A) | (B) | (C) | (D) |
| 22. Би бусдын сэтгэл санаа ямар байгаа бол гэдэгт санаа тавьдаг. | (A) | (B) | (C) | (D) |
| 23. Би юмыг олон талаас нь бодож үздэг. | (A) | (B) | (C) | (D) |
| 24. Бусдыг загнаж байгаа хүн муухай харагддаг. | (A) | (B) | (C) | (D) |
| 25. Бусдад хэцүү байгаа ажилд би санаа тавьдаггүй. | (A) | (B) | (C) | (D) |